

09 APR 1997

MENTERI CUBA TIBA UNTUK LAWATAN LIMA HARI

KUALA LUMPUR, 9 April (Bernama) -- Menteri Luar Cuba Roberto Robaina tiba di sini hari ini untuk melakukan lawatan rasmi lima hari, lawatan pertama oleh seorang pegawai tinggi pentadbiran Castro.

Ketibaan Robaina yang sedang dalam rangka lawatan ke negara-negara Asia, disambut oleh pegawai kanan Wisma Putra di Lapangan Terbang Sultan Abdul Aziz Shah di Subang.

Lawatan itu sebagai membalas lawatan kerja Menteri Penerangan Datuk Mohamed Rahmat selaku Setiausaha Agung Barisan Nasional ke Cuba pada Februari lepas.

Malaysia dan Cuba kini tidak mempunyai hubungan diplomatik dan lawatan Mohamed dianggap sebagai satu langkah ke arah itu.

Esok, Robaina dijadual akan mengunjungi Perdana Menteri Datuk Seri Dr Mahathir Mohamad.

Robaina dan rakan sejawatannya di Malaysia Datuk Abdullah Ahmad Badawi dijadual mengadakan rundingan di Wisma Putra pada hari Jumaat. -- BERNAMA
ZAB RN NMO